

**Лойиха-смета ҳужжатларини ишлаб чиқиш бўйича
ШАРТНОМА № 42**

2022 йил « 23 » ноябрь

Тошкент шахри

“Бинолардан фойдаланиш ва капитал қурилиш дирекцияси” давлат унитар корхонаси директори в.в.б. Р.Бобоев Устав асосида иш юритувчи кейинчалик «Буюртмачи» деб юритилувчи бир томондан ва "SAM TEX PROECT" МЧЖ (кейинги ўринларда «Бажарувчи» деб юритилади) номидан Устав асосида фаолият юритувчи директор Г.У.Каримов иккинчи томондан, Ўзбекистон Республикаси қонунларига асосан қўйидаги шартномани туздилар:

1. Шартнома предмети.

1.1. Мазкур шартнома бўйича Бажарувчи Буюртмачининг топшириғида белгиланган шартларга мувофиқ Жиззах вилоятида қайта юклаш станциясини қуриш бўйича лойиха олди ва лойиха-смета ҳужжатлари (АРТ, экология, топохарита, геолигая хulosалари, техник холатини ўрганиш, ишчи лойиха ва экспертиза хulosаси)ни (бундан кейинги матнларда “Лойиха” деб номланади) ишлаб чиқиш ва муаллифлик назоратини олиб бориш мажбуриятини, Буюртмачи эса техник топшириқ ва бирламчи маълумотларни бериш, бажарилган ишларни қабул қилиш ва тўлаш мажбуриятини зиммасига олади

1.2. Хизматлар кўрсатиш муддати:

Ишнинг бошланиши: 2022 йил 23 ноябрь;

Ишни якунлаш: 2022 йил 8 декабрь.

2. Шартнома бўйича ишлар қиймати ва ҳисоб-китоблар тартиби.

2.1. Мазкур шартнома бўйича “Бажарувчи” томонидан бажариладиган ишлар, Етендер.узех.уз порталидаги электрон эълондаги танлов натижасида аниқланган ва 2022 йил 23 ноябрда харид комиссиясининг (191703-сонли танлов лоти бўйича харид комиссиясининг баённомаси) баённомаси қарорига асосан ҚҚС билан 98 500 000 (тўқсон саккиз миллион беш юз минг) сўмни ташкил этади.

2.2. Ишлар қиймати очикдир. Ўзбекистон Республикасининг Ҳукумати қарорига асосан ҳамда вазиятлар, материаллар нархлари, ишга ҳақ тўлаш шартлари тубдан ўзгарганда ва бошқа харажатлар туфайли ишлар қиймати мазкур шартномага қўшимча битим тузиш йўли билан ўзгартирилиши мумкин.

2.3. Мазкур шартнома бўйича ишлар қийматини тўлаш Буюртмачи томонидан Бажарувчининг ҳисоб рақамига пул ўтказиш йўли билан қўйидаги тартибда амалга оширилади:

- мазкур шартнома имзолангандан кейин бир ой давомида ишлар қийматидан 30% олдиндан тўлов;

- кейинги тўловлар – босқичма-босқич, Лойихани қабул қилиш-топшириш юк хати имзолангандан сўнг 60 кун давомида, Лойихани асосланган рад этиш хати йўқ бўлган тақдирда.

2.4. Буюртмачи молия органи томонидан молиялаштириш очилмаганлиги сабабли олдиндан тўловни ўтказиш мажбуриятини бажармаса, Бажарувчи қонунчиликда ўрнатилган тартибда шартномани бекор қилиш хукуқига эга.

2.5. Мазкур иш турларига молиялаштирувчи органлар томонидан маблағ молиялаштирилмаган тақдирда «Буюртмачи» тулов учун мажбуриятни зиммасига олмайди.

3. Ишларни топшириш-қабул қилиш тартиби.

3.1. Жиззах вилоятида қайта юклаш станциясини қуриш бўйича лойихалаш ишларини бошлаш санаси сифатида қўйидаги талабларни бажариш санаси ҳисобланади:

3.1.1. Лойихалашга топшириқни қонунчиликда ўрнатилган тартибда тасдиқлаш ва келишиб олиш;

3.1.2. Тасдиқланган лойихалашга топшириқга ҳамда лойихалаш ишларини тартибга солувчи меъёрий ҳужжатларга мувофиқ буюртмачи лойихалаш учун зарур бўлган бирламчи маълумотларни тақдим қилиши;

3.1.3. Томонлар мазкур шартномага қўшимча ёзма битим тузиш йўли билан юқоридаги талабларни бажариш учун кетадиган вақтга мутаносиб равишда лойихалаш ишларини бажариш календар муддатлари сурилиши мумкин.

3.2. Ишлар тугалланғандан сүнг Бажарувчи тайёр Лойихани ёки унинг қисмы Буюртмачига юк хати бўйича топширади, лойихалашга топшириқ ва мазкур шартном шартларида кўзда тутилган Лойихани топшириш-қабул қилиш далолатномасини тақдим қиласди.

3.3. Буюртмачи Лойихани олганидан кейин қуидагиларни амалга оширишга мажбур:

3.3.1. Лойихани топшириш-қабул қилиш далолатномасини имзолаганидан кейин 30 кун давомида Лойихани олиш ёки олишни рад этиш ва Бажарувчига рад этиш сабаблари кўрсатилган хатни юбориш;

3.3.2. Лойихани олишни рад этиш сабаблари кўрсатилган хат Бажарувчига юборилғандан сүнг иккитомонлама далолатнома ёки қўшимча ёзма битим тузилади. Қўшимча ёзма битимда лойихадаги камчиликларни бартараф этиш ишлари рўйхати ва уларни бажариш муддатлари кўрсатилади.

3.3.3. Буюртмачи Лойихани олишдан бош тортса (Лойихани топшириш-қабул қилиш далолатномасини имзоламаса), рад этиш сабаблари кўрсатилган хатни Бажарувчига юбормаса, Лойиха Буюртмачига тақдим этилган вақтдан бошлаб унга топширилган ҳисобланади.

3.3.4. Агар Буюртмачи Лойихани текширмасдан қабул қилган бўлса, кейинчалик Лойихада шартномадан четланишлар ёки бошқа камчиликлар борлигини аниқласа, бундай камчиликларни Лойихани қабул қилаётганда аниқлаш имконияти бўлмаса (яширин качиликлар), бундай ҳолатда Буюртмачи камчиликлар аниқланғандан кейин Бажарувчини 10 кун муддатда ёзма равища огоҳлантириши ва камчиликларни қисқа муддатда бартаг этилишини талаб қилиши керак.

4. Томонларнинг ҳукуқ ва мажбуриятлари.

4.1. Буюртмачининг мажбуриятлари:

4.1.1. Лойихани тайёrlаш учун зарур бўладиган лойихалашга топшириқ ва бирламчи маълумотларни Бажарувчига тақдим қиласди.

4.1.2. Мазкур шартномада белгиланған микдор ва тартибда ишлар қийматини Бажарувчига тўлаб беради.

4.1.3. Бажарувчидан олинган лойихадан факат мазкур шартномада кўзда тутилган мақсад учун фойдаланиш, лойихани учинчи шахсларга бермаслик ва Бажарувчининг розилигисиз ундаги маълумотларни ошкора қилмаслик.

4.1.4. Зарурат туғилганда лойихани тегишли давлат органлари ва фуқарорларнинг ўзини-ўзи бошқариш органлари билан келишиш учун Бажарувчини жалб этиш.

4.1.5. Бирламчи маълумотларни ўзгартириш ёки Бажарувчига боғлиқ бўлмаган бошқа вазиятлар туфайли пайдо бўлган қўшимча харажатларни қоплаш (мазкур масала юзасидан томонлар дастлаб ўзаро келишиб ва қўшимча битимни имзолашгандан сўнг).

4.1.6. Тайёр лойиханинг камчиликлари сабабли учинчи шахс томонидан Буюртмачи тақдим қилинган даъво бўйича жараёнда иштирок этиш учун Бажарувчини жалб қилиш.

4.2. Бажарувчининг мажбуриятлари

4.2.1. Лойихани ишлаб чиқиш учун Буюртмачи томонидан тақдим қилинган лойихалашга топшириқ ва бирламчи маълумотлардаги талабларга риоя этиш, уларга мувофиқ ва ўзи шахсан лойихалаш ишларини бажариши, белгиланған тартибда муаллифлик назоратини олиб бориш ва ҳар 15 кун муддатда мунтазам равища Буюртмачига маълумот бериш;

4.2.2. Буюртмачи томонидан тақдим этилган ҳужжатларда хато ва камчиликлар борлиги аниқланса, Буюртмачини шу тўғрисида зудлик билан ўрнатилган тартибда огоҳлантириш, Буюртмачидан кўрсатмалар олингунча ишни тўхтатиш. Буюртмачини ўз вақтида огоҳлантирган Бажарувчи келгусида Буюртмачи томонидан даъво қилинганда ҳужжатларда хато ва камчиликлар борлигини рўкач қилмаслиги керак.

4.2.3. Лойихани тегишли давлат органлари ва фуқароларнинг ўзини-ўзи бошқариш органлари билан келишишда Буюртмачи билан биргаликда иштирок этиш.

4.2.4. Мазкур шартномада белгиланған муддатда сифатли, курилиш меъёрлари ва қоидалари талаблари ва шаҳарсозлик ҳужжатларини ишлаб чиқиш, келишиш ва тасдиқлаш тартибини белгилайдиган бошқа қонунчилик ҳужжатларига жавоб берадиган тайёр Лойихани Буюртмачига топшириш.

4.2.5. Лойиха ишлаб чиқилишини учинчи шахсларга бермаслик.

4.3. Буюртмачи қуидаги ҳуқуқларга эга:

4.3.1. Лойиҳадан фойдаланиш давомида унда камчиликлар борлиги аниқланса, Бажарувчидан қуидагиларни талаб қилиш:

- Бажарувчи Лойиҳадаги камчиликларни ўз хисобидан талаб қилинадиган муддатларда бартараф қилиши;

- шартномавий қийматни шунга мувофиқ миқдорда камайтириш;

- Бажарувчи Лойиҳадаги камчиликларни ўз вақтида бартараф этмаганлиги сабабли Буюртмачининг пайдо бўлган молиявий заарларини қоплаш;

- Лойиҳадаги камчиликлар жиддий ва уларни бартараф қилиш имконияти йўқ бўлса, Буюртмачи шартномани бекор қилиши ва барча кўрилган молиявий заарлар қопланишини Бажарувчидан талаб қилиш.

- «Бажарувчи» ташкилотнинг айби билан лойиха хужжатларига қушимча иш хажмлари ва харажатар аниқланган тақдирда «Уздавархитекткурилиш» кумитасининг 24.06.2008 йилги 50-сонли буйргуи билан тасдиланган ШНК 1.03.01-08 нинг 1.13.-банди 3-хатбошига асосан Бажарувчига туланган сумма тулик Давлат бюджети фойдасига олиб куйилади.

4.4. Бажарувчи қуидаги ҳуқуқларга эга:

4.4.1. Буюртмачининг ёзма рухсати билангина лойиҳалаштиришга топшириқ ва бирламчи маълумотлардаги талаблардан чекиниш.

5. Томонлар жавобгарлиги.

5.1. Томонлар мазкур шартномадаги мажбуриятларини бажармаганлари учун амалдаги қонунчиликка мувофиқ жавобгардирлар.

5.2. Лойиҳа Буюртмачи томонидан қабул қилингандан кейин Бажарувчи кафолатли муддат давомида (10 йил) Лойиҳанинг дастлабки камчиликлари ва Лойиҳадан фойдаланиш мобайнида аниқланган камчиликлари учун жавобгардир. Шунингдек, ушбу камчиликларни ўз хисобидан бартараф қилиши, агар камчиликларни бартараф қилиш имконияти бўлмаса, Буюртмачининг заарларини тўлаб бериши керак.

5.3. Бажарувчи Лойиҳадаги камчиликлар учун (ушбу камчиликлар аниқланган вақтга боғлиқ бўлмаган ҳолда) қуидаги ҳолларда жавоб бермайди:

- Буюртмачи Бажарувчи билан келишиб олмасдан лойиҳалаш мобайнида Лойиҳага қўйилган талаблардан чекинса ёхуд лойиҳалашга топшириқдаги бирламчи маълумотларни ўзгартирса;

5.4. Молия органи томонидан молиялаштириш очилган бўлса ҳам Буюртмачи лойиҳалаш ишларини ўз вақтида молиялаштирумаса, ҳар бир кечикирилган кун учун ўтказилмаган тўлов суммасидан 0,4 % миқдорида пеня тўлайди, лекин пеня миқдори ўз вақтида ўтказилмаган тўлов суммасининг 50 % дан ошмаслиги керак.

5.5. Бажарувчи лойиҳалаш ишларини ўз вақтида бажармаса, ҳар бир кечикирилган кун учун бажарилмаган ишлар суммасидан 0,5 % миқдорида пеня тўлайди, лекин пеня миқдори ўз вақтида бажарилмаган ишлар суммасининг 50 % дан ошмаслиги керак.

5.6. Пеня ва заарларни тўлаш шартномани бузган тарафни шартномадаги мажбуриятларини бажаришдан озод қилмайди.

5.7. Томонлар молиявий мажбуриятларни зиммаларига олмаган шарти билан, биринчи томон иккинчи томонни 30 кун аввал ёзма равища огоҳлантириб, мазкур шартномани муддатидан илгари бекор қилиши мумкин.

5.8. Шартнома муддатидан илгари бекор қилинган ҳолда, шартномани бекор қилиш ташаббуси билан чиққан томон иккинчи томонга мазкур шартнома бўйича ишлар қийматидан 10 % миқдорида жарима (неустойка) тўлайди.

6. Махфийлик.

6.1. Ҳар бир томоннинг фаолияти ёки томонлар билан боғлиқ шахснинг фаолияти тўғрисидаги ошкора қилинмайдиган барча маълумотлар махфийдир. Томонлар бундай маълумотларни бошқа шахсларга ошкора қилмасликлари, мазкур шартномани бажариш билан боғлиқ мақсадлардан бошқа мақсадлар учун фойдаланмасликлари керак

7. Шартномани ўзгартириш ва тугатиш.

7.1. Мазкур шартноманинг 10.1-пунктида кўрсатилганидек, шартнома муддати тугаши билан томонларнинг шартномадаги мажбуриятлари тугайди.

7.2. Томонлар ўртасидаги ёзма келишувига асосан шартнома ўзгартирилиши ёки муддатидан илгари тугатилиши мумкин.

7.3. Мазкур шартномага қўшимча битим ёки келишмовчилик баённомаси кўринишидаги ўзгартириш ва қўшимчалар ёзма равишда қилинган ҳамда томонлар (ёки томонлар номидан вакиллар) имзоланганидан кейин юридик кучга эга бўлади.

7.4. Қонунчиликда ёки мазкур шартномада назарда тутилган бошқа ҳолларда ҳам мазкур шартнома ўзгартирилиши ёки тугатилиши мумкин.

7.5. Шартнома кучда бўлишини тугатиш томонларни шартномани бузганликлари учун жавобгарлиқдан озод қилмайди.

8. Низоларни хал этиш.

8.1. Мазкур шартноманинг матнида ечимини топмаган масалалар бўйича томонлар ўртасида пайдо бўлиши мумкин бўлган низолар ва турли талқинлар амалдаги қонунчилик асосида музокаралар ўтказиш йўли билан хал этилади.

8.2. Музокаралар ўтказиш йўли билан низолар хал этилмаса, ўрнатилган тартибда низолар Тошкент туманлараро иктисадий судида кўриб чиқилади.

9. Форс-мажор.

9.1. Кўзда тутилмаган ва келиб чиқишини бартараф этиб бўлмайдиган фавқулодда хусусиятга эга форс-мажор вазиятлари пайдо бўлганда томонлар мазкур шартномадаги мажбуриятларини бажармаганлари учун жавобгар эмасдирлар.

Фавқулодда вазиятлар сифатида қуйидагилар тушунилади: табиий талофатлар, ёнғин, сув тошқини, шторм, уруш ва уруш харакатлари, қамаллар, қўзғолонлар, саботаж, миллатчилик тусга эга ғалаёнлар, эмбарго, давлат органларининг таъқиқлашлари ва шартнома тузилганидан кейин пайдо бўлган томонлар назоратидан ташқаридағи бошқа вазиятлар.

9.2. Форс-мажор вазиятлари пайдо бўлиши муносабати билан мазкур шартномадаги томонлар мажбуриятлари бутунлай бажарилмаса ёки қисман бажарилса, мажбуриятларни бажариш муддатлари бундай вазиятлар таъсир этиши вақтига мутаносиб равишда узайтирилади.

10. Бошқа шартлар.

10.1. Мазкур шартнома вилоят Фазначилик бошкармасидан электрон тарзда руйхатдан утгандан сунг кучга киради ва 2022 йил 31 декабрга кадар амал килади.


10.2. Мазкур шартнома бир хил юридик кучга эга бўлган 2 нусхада тузилди. битта нусхаси Буюртмачида, битта нусхаси Бажарувчida сақланади.

11. Тарафларнинг манзиллари ва банк реквизитлари: БУЮРТМАЧИ:

“Бинолардан фойдаланиш ва
капитал қурилиш дирекцияси” ДУК
Тошкент ш., Бунёдкор, 7 “А” уй.

Банк: ТИФ Миллий банкининг Тошкент ш.
Бош бошқармаси филиали
Х/р: 2021 0000 7041 6020 2001
МФО: 00451
СТИР: 203858625

Директор в.б.



Р.Бобоев

Директор

“SAM TEX PROJECT” МЧЖ
Самарқанд вилояти, Самарқанд шахри, Лолазор кўчаси, 70-уй.

X/r: 2020 8000 0052 5803 5001;
Bank: Ориент Финанс Банк
Самарқанд филиали. MFO: 01111;
СТИР: 307590568; OKED: 71120;
tel: +998-93-357-57-67;



Г.У.Каримов